

# NOVENDIVM

S E U

NOVEM DIERUM EXERCITIA,

AD HONOREM

GLORIOSI PATRIARCHÆ

S. ROMVALDI

ABBATIS.

Pro novem Martis diebus, prodigio-  
sam ejus, ad inclytam Fabrianensem  
Civitatem, Translationem præceden-  
tibus, quæ die 7. Februarij occurrit,

*Ex quibus Exercitijs quinque hoc ꝛ signo anno-  
tata, Devotus assumet, pro totidem ferijs ferijs;  
4 diem felici S. Patris transiens in celum,  
se extendentibus, cujus dies Anniver-  
saria 19. Junij recalitur.*


Inserta etiam est compendiosè Vita e-  
jusdem S. Patris, pro majori Devoto-  
rum excitatione; tum Parvum ejus  
Officium, & Responsorium.

Anno Domini 1709.


---


C R A C O V I Æ,

Typis Francisci Cezary, S. R. M. Illustriss. ac  
Reverendiss. Dñi Episcopi Crac. Ducis Seve-  
riæ Ordinarij Typographi.



Addo diuturnitatem Vitæ Ro-  
MUALDI, ex DEI præsentia ortum  
duxisse. Profecto Rechabitæ, si-  
ve Cinæi, in sua illa solitudine,  
DEI assiduâ præsentia frueban-  
tur. Quis autem dubitet, fami-  
liaritatem cum DEO vitam ex-  
tendere? An non Moyses ex fa-  
miliaritate cum DEO, ex erebris  
cum Numine colloquijs ultra  
centum annos produxit ætatem?  
*Antonius de Escobar, & Mendoza*  
*Libro 3 ad cap XIX. Matibai parte*  
*5. Paneg. Moral. 5. Obseru. 3.*





PERILLUSTRI,

ET

REVERENDISSIMO DOMINO,

D. CHRISTOPHORO

à SŁUPOW

S Z E M B E K,

CANONICO CRACOVIEWSI.

*Domino & Patrono Colendissimo.*

**P** *Rodeuntem in lucem exilis in-*  
*genij partum, protectione &*  
*favore Tuo fovendum, repono*  
*in Roseum sinum Tuum, Perillustri*  
*& Reverendissime Domine,*  
*Veluti alterius & rara Phœnicis, de*  
*inere exorientem Sanctissimi Patri-*  
*archæ Nostri ROMUALDI Vitam,*

non peregrinis Muminibus, sed magno  
Tuo Nomini immolendam, insinuavit  
mihi ipse zelus Tuus erga res sacras,  
& magna in eas veneratio, quam  
opusculo in Polonia novello, magno fi-  
ducia ausu, pro objecto assumo, spe-  
rans sub Auspicijs Tuis, tenerrima vi-  
ta, & virtutis Romualdina, necnon  
cultus, & devotionis incrementa,  
plurimum in cordibus Fidelium pro-  
fectura. Hac ergo sacratis manibus  
tractanda, & promovenda, cum omni  
respectu, & profundissima mea submis-  
sione trado, solo hoc purè motivo, ut  
quàm evidentissima singularis, Per-  
illustri, & Reverendissimæ Do-  
minationi cultus, bonorum, & inti-  
ma propensionis mea testimonia de-  
promere queam. O si quod olim  
Momus à Jove petisse fingitur vo-  
tum esset; nimirum: ut aperta &  
nuda



nuda omnibus cordium humanorum  
paterent consilia; cerneres procul du-  
bio omnia mea studia, conatus, tum  
animi, tum corporis contentiones, in  
Te apprimè colendo esse collocatas. DE-  
US Pÿssimus felicem Te Perillu-  
stris Domine, atq; florentem, tam  
Tibi ipsi, quàm Ecclesiæ Sanctæ, in se-  
tam annorum seriem conseruet, opto.

Perillustris  
& Reverēdissimæ Dominationis

Humillimus Servus,

& Exorator

P. Benedictus, Eremita  
Camaldulensis.

GENE-



Sanctus Romualdus Abbas  
Camaldulensium Pater.

(4)(50) I

# GENERALES REGULÆ PRO NOVENDIO.

**Q**uicumque pro impetranda aliqua, à  
Divina Maestrate gratia, per patroci-  
nium Sanctissimi ROMUALDI; sive in  
gratiarum actionem pro iam obtentis, ipso  
mediante gratijs, huius Sancti Novendij  
exercitia facere exoptat; Primo, omni-  
bus Martis diebus novem ieiunare debet.  
Si autem ieiunare non valuerit, aliquam  
eleemosynam pauperibus elargietur; aut  
aliquod pium opus, secundum Patris Spi-  
ritualis consilium peraget.


2do. Quolibet ipsorum Exercitiorum  
die confiteris, & Sacram Eucharistiam su-  
scipere tenebitur.

3tio. Die Vigilia S. Patris ieiunare,  
ac tandem ipso Festo communicare debet.  
Tunc enim in Ecclesijs sui Ordinis Indul-  
gentiam plenariam lucrabitur.

4to. Per hos dies novem, centum vi-  
ginti Pater noster, & Ave Maria, cum  
totidem Gloria Patri, (dividendo ipsos  
per



per 13. in dies, ultimis verò tribus diebus  
per 14. ) in memoriam centum viginti an-  
norum, quibus Sanctus vitam duxit, reci-  
tabit. Quodsi verò aliquis per semet-  
ipsum præfata Exercitia adhibere nequi-  
verit, nota & timorata Persona commit-  
tets, quæ suo nomine ipsa adimplebit.



## PRIMODIE MARTIS, PRÆLUDIUM.

**A** Deò S. Romualdi Patris & Fūda-  
toris Ordinis Camaldulensis Vita  
Orbi Christiano præluet; ut nec mi-  
nima Christianitatis pars adlit, quin  
ibi ejus præclarum Nomen, præ fama  
celebre non excurrat. Illi centum  
annorum dies austerriam, ac sanctissi-  
mæ vitæ, quam cum profunda humi-  
litate, inter nemora, & solitudines a-  
gebat absconditam; ante humanæ no-  
titie oculos, per omnia occulti esse non  
valebant. Virtus namque lux est cla-  
rissima,



rissima, quæ se ipsam conspici facit. Et DEUS ( ut loqui fas sit ) silentiola arbuſtorum ora ſolvit, ad ſui ſervi ſanctitatem Eccleſiæ patefaciendam. Divus Petrus Damiani Cardinalis Ordinis noſtri, primus fuit alios inter Scriptores, qui compendioſè S. Romualdi facta reddidit factis. Poſtque ipſum Divum Petrum omnes ſacrorum Hiſtoriographorum calami, in Eccleſiaſticis Annalibus, tanti Sancti opera præclara reddiderunt. Ipſemet DEUS Sancti Patriarchæ virtutum excellentiam, ac meritorum culmen obſtupeſcendis miraculis manifeſtavit. Siquidem extincta incendia, tempeſtates maris ſedatæ, amentes ſanati, infirmi ad priſtinam valetudinem reducti, beſtiæ manſuefactæ, infernales ſpiritus fugati, prodigia fuère; quæ quali joci gratiâ, aut per verbum, vel manum Sancti evenerunt. Quid plura? Tota ejus vita, unica virtutum ſynopſis fuit, atque aſſidua miraculorum ſeries. Poſt

fortunatum S. Romualdi, & ultimum  
vitæ halitum, Supremus Dominus e-  
xaltans humiles, Sancti sui gloriâ ma-  
gis prodigiosis portentis propalare  
continuavit: de cujus tumulo appa-  
ret esse scriptum illud perpulchrum  
Prophetæ elogium: *Et erit Sepulchrum  
eius gloriosum.* Pro evidentia autem  
veritatis: Sacrum Divinissimi Romu-  
aldi Corpus, quod prolixiori sæculo-  
rum morâ, à temporis injuriâ, in In-  
clyto Vallis de Castro Canobio, in obli-  
vione sepultum jacuit; cum illustri  
crebrescentium miraculorum pompa  
ad Nobilem Fabrianensem Civitatem  
fuit translatum; ubi quasi in gratia-  
rum throno gloriosum, & ad omnium  
sibi devotorum favorem, beneficium  
residet. Eò loci ad præcellsum Sancti  
Sarcophagum visuntur obstinatorum  
in peccatis conversiones, & diversa-  
rum personarum in perfectione lucra:  
ut potè pericula animæ declinata, ten-  
tationes superatæ, lumina acquisita,  
optimæ

*Sancti Romualdi.*

*J*

optimæ inspirationes reportatæ; adiutorium perseverantiæ in incæptis bonis; & aliæ spirituales gratiæ: quæ quantò sunt plus secretæ; tantò magis ordinariè à veris S. Romualdi devotis obtinentur. Ad extremum potenti ope S. Anachoretæ creberrimè, jam jam moribundi audiuntur protinùs ab imminente morte liberati, innumera- biles infirmi ad insperatam salutem re- ducti; pauperes quoque miserabiles in necessitatibus provini; afflicti ac pe- nè metu exanimati, in tribulationibus ac ærumnis efficaciter consolati, ob- fessi, & à demonio tentati, parturien- tes, agonizantes, à potenti brachio S. Romualdi occultam vim persentiunt. Visitatâ namque ejus Ecclesiâ atque Sancto Sepulchro; aut invocato San- cti Nomine, viribus esse firmi, ac pro- sùs omnimodè liberati cernuntur. Si regnant inimicitie; S. Romualdus re- donat pacem. Si annonæ caritas ad- venit; S. Pater abundantiam frumenti deluper

desuper impetrat. In perniciosis inundationibus, in noxijs terræ ariditatibus, in bellis, conflictibus, in terræ motibus, quavisve pestilenti lue, absque ulla cunctatione, vix recursus fit ad Sanctum; & ecce in omnibus necessitatibus, ut generalis Protector subvenit, adjuvat, consolatur, & quascunque gratias devotè requisitas protinus concedit, & suppeditat.

Cum itaque infallibile B. Patris nostri patrociniū maneat, ac meridianâ luce clariùs existat; tibi Anima devota, sequens distinctum varijs meditationunculis in S. Romualdi vitam Novendium præsentō; quatenus facilem ac proficuum, pro acquirenda & augenda, erga Sanctum devotione, methodum habeas: tum quoque, ut desideratum gratiarum donum celerius reportare queas. Ocyus ergo S. Romualdum in Advocatum tuum eligas; tua cordis penetralia ipsi detegas; omnigenas necessitates exponas; sicque te consolandam



landam procul dubio credas. Ejus Ecclesiam frequentando viuites, peracto-  
que novendio Sancti Nomen invoces;  
& ex parte ipsius spondeo te exaudi-  
endam. Ipse è Cælo Empyreo pijs  
oculis te intueri non cessat; manum ad  
benedictionem elevat; & pro elargi-  
endis gratijs, quascunq; efflagitas, sine  
intermissione avidè te prætolatur.

### INCIPIT VITA S. PATRIS.

† **R**omualdus fuit Sergij Ravennæ,  
Ducis Filius, ex nobilissima &  
Regali Longobardorum Ducum stirpe  
progenitus, vulgò: *De Sassi* Quæ Fa-  
milia Fori Julij & Beneventi insignes  
Ducatus, partem Tusciæ possedit; &  
per certum temporis spatium ampla  
Lombardiæ, Apuliæque Regna guber-  
navit. Et consanguineitate propinqua  
cum Imperatore Othone I. ac per  
consequens cum alijs duobus gaudens,  
ex Illustrioribus ac Ditiorebus Europæ  
Protoprijs originem duxit. Sub cui  
cursus

cursus juvenilis initio per lubricum callem incedere cepit, & ad mundi vanitatem proclivis fuerat. Nutriebat nihilominus intra cordis viscera motivum solitudinis sensus; expro-mendo ab illis densis nemorum saltibus, quos ad agendas ferarum prædas sæpius percurrens collustrabat. Anno suæ ætatis vigesimo Divinæ vocationi aure porrectâ, Monasticum Habitum in Basilica S. Apollinaris, in Canobio Classis assumpsit; illuc præcipuè compulsius à quodam funesto casu, qui ejus genitori, in sua præsentia accidit; ibique se totum DEO, perfectionique acquirendæ consecravit.

## M E D I T A T I O.

**P**Rimò. Considera, quomodo DEUS bonis inspirationibus eos, etiam visitare non omittat, qui commoditatibus, ac delicijs terrenis immerfi, ipsius obliti vivere videntur. Si tu, aut aliquis ex tuis affeclis, ex similibus numero

mero reperiaris ; supplica instantèr  
Divinæ benignitati per Sancti merita,  
nè te, in tui ingrati & obdurati cordis  
pœnam derelinquat ; verùm te do-  
ceat proprium statum cognoscere, at-  
que seriò emendare.

2dò. Considera, quomodo ex rebus,  
à Divina Providentia ad nostrum lici-  
tum usum creatis, ad cœlestia & spiri-  
tualia mentem facillimè erigere possi-  
mus ; ab illis desumendo occasionem  
Conditozem laudandi, eique agendi  
gratias.

3tiò. Considera, quomodo DEUS,  
pro una anima ad portum salutis re-  
ducenda, multoties mundi ærumnas  
atque infortunia adhibeat. Casu, quo  
tibi, in aliquam adversitatem devenire  
contingat, minimè perterrearis ; sed  
apprimè examines, quidnam à te DE-  
US prætendat ; exemplo nostri Sancti,  
qui ex inconvenienti Patris progressu,  
optimam, & convenientem propriæ  
saluti conversionem depromptit.

PRO-

## P R O P O S I T A.

Attentè perpenſis ſupradictis conſiderationibus propone. 1mò. non amplius internis vocationibus, & bonis ſentibus reſiſtendum, quacunq; tibi Pater luminum præſtare dignabitur; ſed te reflectendum ſuper ſalute animæ tuæ, licet familiaribus, & ſæculi negotijs implicatus exiſtas. 2dò. Ab hinc ponderandam DEI Potentiam, Sapientiam, & Bonitatem, quæ in cunctis Creaturis reſucet, & maximè in Sanctis ejus, quibus & tu ſimilis eſſe poteris. 3to. Nunquam deſperandum, animumve deſpondendū, quamvis te nimis ad vanitates proclivem eſſe cognoſcas, aut aliquas patiaris perſecutiones, aut quovis modo te eſſe ſentias tribulatum.

*Fruſtus huius Meditationis.*

1mò. Ab hac die illis rebus renunciare incipies, quæ Sancto Patri diſplicere poſſunt.

2dò.



adò. Tuis Famulis, vel amicis, ejusdem Sancti cultum persuadebis.

3tio. Ad honorem ipsius, aliquod misericordiae spiritualis, vel corporalis opus, in tui proximi emolumentum exercebis.

## O R A T I O.

**S**anctissime Patriarcha & Pater amantissime omnium nostrum Viatorum; confiteor negligentiam meam in obsequio tuo, & elapsis temporibus me in tua devotione penitus incuriosum fuisse: Cujus, ex intimo cordis mei me poenitet. Proſiteor cum his Exercitijs in posterum me fore tuum verum, ac devotum servum; nunc te in meum Advocatum, & Patronum eligendo, cum irrevocabili proposito, nunquam amplius a tuo desiderabili famulatu me subtrahendi. Inde cum omnimoda spiritus mei humilitate instanter tibi supplico, ut hoc minimum pauperculi cordis mei obsequium pergratum tibi facere velis. Illud quippe  
ad

ad tuam perpetuam gloriam offerre dispono ; tum quoq; ad sublevandam miseram animam meam, quæ ad ultimum usque respirium tibi recommen- data maneat ante Divinam Majesta- tem ; ut ipsâ frui tecum in cœlis æter- num valeat, Amen.

*Paternus, & Ave Maria, pro vivis  
& mortuis Sancto devotis,*

## SECUNDO DIE MARTIS, PRÆLUDIUM.

† CUM jam sincerissimo animo, & ex intimis præcordijs clientelæ te Sancti Romualdi committas, restat, ut tuæ servitutis officio, opera tua consonent. Sed quidnam facies, ut amoris ejus teneritudine dignum te reddas? In id primariò animum in- tendes, ut characteri, quem geris per omnia respondeas, in DEI gratia manere satagas, ad normam tui, in deli- cato æternæ jucunditatis Paradiso spa- tiantis

tiantis Defensoris, qui supereminenter eâ dotatus fuit. Operam impendas ipsum imitandi proportionaliter in earum virtutum exercitio, in quibus singulariter excelluit; & quas, in ul-  
teriori admirandæ ejus vitæ progressu perlustrabis. Ipsemet apud Altissi-  
mum, pro necessario adjutorio, ad eas exercendas, Mediator tuus futurus est. Animum omninò non despondeas, quinimò ejus caliginem procul dispel-  
las. Cor, ipsi fiducialitèr detegas, nec quidquam pertimescas. Sanctus Pa-  
ter, & est fidelis, & potens. Potens ad omne exoptabile bonum tibi largi-  
endum. Fidelis ad clientes in fidem suam recipiendam, & neminem fallen-  
dum. Crebriùs ipsum amabili, pij Patris titulo invoces; & ipse te ut fili-  
um respiciet; atq; ab omni mala ani-  
mæ & corporis incursione proteget.

*SEQUITUR VITA SANCTI.*

**P**ost elapsum ingressûs in Religio-  
nem triennium, ad quendam Vi-  
rum,

rum, ab humanis tumultibus per omnia segregatum, in Venetis Insulis commorâtem, Marinum nomine, non minus naturâ simplicem, quàm moribus candidum commeavit; ejusque directioni se tradidit. Qui suum novellum in via DEI discipulum, psalmodiæ disciplinam instruens occasione alicujus titubationis, ad quemvis errorem, veniam rigidus Magister non admittens, virgâ, sinistram capitis ejus partem verberabat: quæ suo tempore per cōtinuam percussionem, adeo offensa evaluit, ut fermè auditum perderet. Sanctus autem patiens, auditûs præjudiciûm cernens, cum majori humilitate, ac patientia ipsum efflagitare coactus fuit, quatenus illos indiscretos ictus in dextram partem revolveret. Et tandem aliquando in se reversus solitudinis profundæ Incola, rigidam animadversionem in suum tam modestum discipulum moderavit. Per unam integri anni revolutionem,



uno pugillo ciceris elixi, de die in diem contentus fuit. Per continuum triennium, eodem jejunii rigore servato, in excolenda terra seminandoq; ac proprijs manibus colligendo tritico, occupabatur.

M E D I T A T I O.

1. **C**onsidera invictam tolerantiam, & demissam humilitatem Sancti; qui licetli spontè se illi, cunctis virtutibusornata palæstræ dedicaverit; & per consequēs illā dimittere ad proprium beneplacitum potuerit; verumtamen nè cum invictæ patientiæ exercitio, magna merendi, occasionem omitteret, in eo, planè ad sensus privationem constanter perseveravit.

2. Quomodo Eremita Marinus, etsi aliàs homo sanctitate conspicuus, attamen in discretionè virtutum basi, Romualdū percutiendo deficiebat. Quod DEO permittente actum est: nimirum ad abundantius meritum discipuli; &

li; & ad maiorem Magistri in spiritu doctrinam; qui tam perfectâ discipuli patiëntiâ, & placatus exitit, & ipsum posthac summa veneratione coluit.

3. Considera rigidam abstinentiam; cui se Romualdus, ( licet floridam adhuc, ac delicatam juventam duceret ) instinctu amoris DEI, ac respectu Æternitatis dedit: & rusticanas operationes, ab ipso quamvis genere nobilissimo oriundo arreptas.

## P R O P O S I T A:

**F**Actis præfatis considerationibus propones.

1. Nunquam evitandas occasiones patiendi, ad summum ultro se offerentes; sive à DEO, sive à Creaturis occurrant.

2. Compassione duci erga defectus illarum præsertim personarum, quæ possunt esse, aut sunt in aliqua virtutis æstimatione.

3. Exercendum aliquod, secundum proprij

proprijs statûs conditionem, mortificationis genus, aut corporalem pœnitentiam ; non tantummodo pro commissorum delictorum satisfactione ; at etiam, nè in casum graviolem ruas,

*Fructus huius Meditationis.*

1. **G**enerosum animum indue ; & hâc die, cum qui te aliquâ ignominia, aut displicentiâ affecit, contraria gratitudinis tesserâ præveni. Vel si id præstare non vales ; DEUM pro ipso, singulari mentis applicatione deprecari stude. Casu quo, ipsum allocutus non es, quam primum ei reconciliari non differas, etiam consultò occasionem inquirendo. In memoriam tibi veniat Ecclesiæ ipsiusmet Capitis Christi exemplum ; qui nec Redemptionis Sacrificium complere voluit, priusquam in proximi reconciliatione, ( scilicet : *Pater dimitte illi* ) non fundaretur.

2. Universas proximi actiones, eo

non

non obstante, quod tibi prava videantur, in bonam partem vertere, ac interpretari incipe.

3. Ad aliquod contemptibile, & vilius exercitium, tam privatim, quam in publico, te deprime; nec ab eo ratio aliqua politica, aut præclari sanguinis nobilitas te avellat.

### O R A T I O.

**S**emper melius agnosco ô gloriosissime me Pater, felicem sortem, quam sum adeptus, cernens me tuæ dignissimæ sequelæ esse adscriptum. Proinde tibi correspondendi gratitudinis affectu, avidus athleta, cum pleno animi mei studio, tuam supernam efficacem assistentiam flagito; ut parculæ meæ devotiones, quas non minus cum voluntatis promptitudine, quam spiritûs fervore facere satago, comparere valeant ante venerandam præsentiam tuam, & Adorandam Trinitatem viventem in sæcula, Amen.

*Pater n. s. Ave Maria, &c.*

**TER.**



TERTIO MARTIS DIE,  
PRÆLUDIUM.

† Ingenti cordis affectu arhelarem;  
ut quantò majori, erga tantum  
Sanctum devotioni appropias; tantò  
plus vividâ deveniendi melior, ipsiq;  
similior (in quo veræ devotionis sub-  
stantia consistit) flammâ accendaris.  
Quantum possibilitas permittit, quo-  
tidie semel saltem ejus Ecclesiam vi-  
sitare non prætermittas, ut per inti-  
mam, & fervidam Sancto Patri re-  
commendationem, ipsius intercessio-  
ne, unâ cum tuis familiaribus dignus  
vivere & mori ut Christianus, meri-  
tisq; optimis cumulatus reperiaris.  
Aut potius in defectu commoditatis  
adeundi Templum, ad imaginem, vel  
aliâ memoriam Beati Patris, in tui  
intrinsici intimos ardores erumpas.  
Suspira, plange, & exoptati effectus re-  
portandi sis certus. In memoriâ nihilo-  
minus reducas, quòd ad id perseverantia  
B delide-

desideretur; & quod Sancti, de nostris assiduis, & importunis precibus summopere gaudeant.

### SEQUITUR VITA SANCTI

**S**ub suæ conversionis exordio, verus humani generis deceptor Romualdum assiduis tentationibus arietare non cessavit; his timores ac horrores auxit. Demùm varijs injurijs, molestijs afficere, verberare, mortem denique ipsam sæpius moliri non destitit. Per totum quinquennium, nullam reliquit noctem, in qua ipsum non commoveret temerarium infernale monstrum; super crura ac pedes ejus jacendo; & sic, ut se in dextram, aut lavam partem verteret, nullatenus permittendo. Itaque insomnes noctes agere debebat. Per quindecim annos extremis jejunijs se macerabat; ita, ut solis diebus, Domini-  
 I. nicâ, & quintâ feriâ modicam refecti-  
 onem sumere consuevisset. Gallias ab  
 peragrans

peragrans quæquæ portentosa, in spiri-  
tuale proximi adjutorium & benefi-  
cium egit; insignes illi peccatorum  
in gravibus culpis inveteratorum con-  
versiones operando. Ubi certio-  
rem nuntium recepit, Sergium suum Pa-  
trem ( jam Monachum factum ) con-  
versionis suæ poenitere, atque ad sæ-  
culum redire conari: Sanctus Raven-  
nam versus, excalceatus iter arripuit,  
eoque adveniens, ejus instabilitatem  
asperè correxit & punivit; vocatio-  
nemque adeò confirmavit, ut sum-  
mum sanctitatis culmen ascenderit;  
utpotè, cum à Clementissimo Domi-  
no nostro, specialissimo honore deco-  
ratus fuerit, in hac afflictâ vita, Spiri-  
tum Sanctum in quadam specie intu-  
eri promerendo.

## M E D I T A T I O.

I. Perpende optimum signum esse,  
dum Divina Sapientia super nos,  
ab infensissimo æternæ nostræ salutis

hosse tentationes, aliasvè diversas tribulationes & exagitationes venire permittat: prætendens Divina Bonitas hoc modo, ut in virtutum labore exerceamur, atque merendi occasionem habeamus.

2. Animo revolve, quomodo abstinentia semper individua sanctitatis sociata fuerit. Quocirca totum affectum in ipsam transfundere, ipsique exercitatione adhærere convenientissimum est.

3. Adverte, quomodo proximo, maximè genitoribus, quisque subvenire teneatur. Proindè omni meliori, & accuratiori modo, ipsis adjutorium præbendi occasiones prætereundæ non sunt; magis autem & principalitè, admonitiones, aut correctiones adhibendæ.

## PROPOSITA.

**P**Rædictis considerationibus perpensis propones,

Imò,

1<sup>mo</sup>. Tuas tentationes, internasque anxietates Patri spirituali manifestandas, ad finem adequati, tuæ necessitati documentis excerptendi.

2<sup>do</sup>. Ex statuto Ecclesiæ, & ex tua devotione inchoata jejunia exactè, & libenti animo observanda; atque hilariter victus pauperiem ferendam.

3<sup>tiò</sup>. Tuum proximum ad bene operandum, potius bonarum artium qualitatibus exemplo, ac modum, quam verbis exhortandum. Cum cernas offendere, non iracunde, sed amanter, & benevolè monere debet.

*Fructus huius Meditationis.*

1. **O**mnibus personis, à capitalibus inimicis, videlicet: mundo, carne, & dæmone tentatis, & tribulatis ex corde compati incipe; & pro eorum consolatione DEUM instantè precare.

2. Tua jejunia, cunctasque alias laborum perpeſſiones, in propriarum

B 3

culpa-



culparum pœnam, cuique proximi; aut in purgantium Animarum suffragium offer.

3. Pro conversione infidelium, & Christianorum, qui in mortalis culpæ lecto miserè degunt, **I E S U M** Christum instantissimè efflagita.

### O R A T I O.

**A**D tuarum virtutum, ô Divinissime **Romualde**, puritatem, à quàm evidentè meæ imperfectiones prodeunt! vitæ meæ tenorem, ad minus in parte, tuæ Sanctissimæ methodo conformare ex animo cuperem. At distantia, quam inter unam & alteram, insuperabilem contueor, extremè terrorem mihi inducit. Conatum meum omnigenè erigam, ut ante ipsosmet oculos meos humilier; altâ mentis indagine revolvens mei nihili abjectionem tuæ virtutis sublimitati contrariam: eodem temporis spatio infinitas, **DEO** infinito gratias agendo

agendo, quòd te, ad adeò mirabilem  
meritorum evexerit altitudinem. In-  
terim tuis precibus, ille benignus Lar-  
gitor unicam abundantis sanctitatis, &  
gratiæ scintillam mihi concedat, qui  
torrentis adinstar beatam Animam tu-  
am implet, ac æviternum implebit, ut  
ego etiam in cœlesti Patria tanquam  
unus ex unicè tibi devotis, ipsum lau-  
dare & glorificare nunc, & in perpetu-  
um valeam, Amen.

*Pater noster, Ave Maria, &c.*

## QUARTO DIE MARTIS. PRÆLUDIUM.

† HActenùs jam ad minùs in parte,  
beneficos, devotionis intimæ erga  
Sanctum effectus expertus es; unâq;  
apprimè perspexisti: quomodo ipse sit  
promptior, atque liberalior in ditando  
te cœlestibus gratijs, quam tu sollicitus  
in ipsis postulandis. Animatus itaq;  
hâc munificentissimâ ac cœlesti comi-  
tate, seriò animadverte super tanta

beneficia, ultrà omne tuum meritum reportata. Tandem nullo temporis puncto intermisso, vivo cordis spiritu ipsi gratias age, ad contemplationem adhuc spei, te reddendi dignum in posterum ulteriorum favorum. Et toto mentis deliderio conare, quàm vivacioribus tuæ linguæ documentis, in pectore Christiano accendere fiduciam in ipsius adjutorio; laudando & benedicendo Dominum in suo servo, quòd ipsum tam gloriosum & mirabilem reddat ad favorem ipsius Devotorum. Ad extremum, id totum agere, ut sine, quod ipse ferre gratum, atque acceptum videris, optimè perluas, ab ipso ad tuum computum, in Divinæ Majestatis cōspectu præsentadū plurima posse adaugeri; & tunc se amplius ad dispensanda tibi largā manu, pretiosissima suarū gratiarū dona extēdet.

*SEQUITUR VITA SANCTI.*

**P**Rævidentes Galliæ Populi, brevi Romualdum, eorum Regionem derelicta-

relicturum; sine ulla redeundi spe, hac de causa molestam passionem sentientes, recidende S. Patris resolutioni invigilarunt adeò; ut cum eis fortuna non arrideret, Sanctum intra suos limites possidendi, cum è vivis tollerent; atque sic exanimi corpore saltem, pro universalis Regionis beneficio fruerentur. Sed DEUS ipsamet nocte in oratione vigilantem imminentis periculi concium fecit; qui primis diei alboribus, arrepta fornice, sat deformiter capillis, & barbà sibi relectis, vultu tincto, atque habitu incompto, mente captum se simulans, inevitabile mortis periculum evitavit. Perveniente itaque ( post stabilitū Sergium Patrem in Religione ) ad Monasterium S. Apollinaris in Classe, & demùm ad Eremum Pereti, Imperator Ottho III. ad eum invisendum in persona comitare decrevit. Quò, cum post solis occasum devenisset, Sanctus pauperem suum lectulum, ad paulandum

ei dedit ; quem cum pleno reverentiæ titulo Rex acceptavit ; verum, cooperitorium, uti asperrimum & durum judicando, refutavit. Hic ipsemet Imperator ad demoliendam Tiburtinam Civitatem, circumcirca formidabilem obsidionem posuit. Quô, sollicitis passibus progrediens Romualdus, commotum Imperatoris animum mitigavit ; atque placidis rationibus ab attentato malo removit, nullo sanè incommodo Civitati illato. Quinimò confitenti quoddam se commisisse delictum, Sanctus pro pœnitentia, & in satisfactionem mandavit ; ut nudis pedibus iter Româ, ad montem Garganum usque, in Apuliam conficeret. Demùm mandato S. Patris, integrâ Quadragesimâ mansit reclusus in Cœnobio Classis ; in exercitijs Psalmodiaram, jejuniorum, ciliciorum super nudam carnem, die noctuque perseverando, atque super storeas dormiendo ; ultimo tandem Imperium abdicare,



dicare, Monasticumque statum amplecti pollicendo.

## M E D I T A T I O.

1. **A** Nimo revolve, quàm felix, fortunatusque sit Populus Fabrianensis; quòd dignus fieret recipiendi in suum, amplissimũ thesaurum sacrarum Romualdi Reliquiarum; qui propriâ electione ibi requiescere voluit; cùm ex adverso ille in Gallia, personâ ejus orbatus, exors remanere debuit.

2. Scrutare ingentem venerationem, in qua Sanctus habebatur apud Orbis Monarchas; qui se ipsos nimis felices opinabantur, si etiam cum proprio gravi incommodo, cum ipso tractare, eique obedire possent.

2. Aduerte; quomodo Romualdi sanctitatem etiam primi sæculi Optimates verebantur, ac pertimescebant; qui gravissimas pœnitentias ab ipso impositas haud recusabant.

PRO-

## P R O P O S I T A.

**S**upradictis considerationibus peractis propones.

1. Monstrare Sancto, cum aliquo singularis gratiarum actionis signo; quantum sit acceptus, & charus ejus ad Patriam tuam adventus; si exinde originem ducis.

2. Onus tibi non imputandum invenerandis personaliter, ad conferenda in vectigal tuæ devotionis obsequia; Sanctissimis Reliquiis, aut sacræ Imagini Romualdi; quantumvis amplissimarum facultatum, aut nobilissimæ Profapiæ, atque sublimiorum Regni officiorum præ eminentiâ gaudeas.

3. Libenti animo acceptandi correctiones, & pœnitentias, à DEI ministris, in emendationem aut satisfactionem tuarum culparum, tibi immixtas ad amissim exequendi.

*Fructus huius Meditationis.*

1. **P**Ræterquam, quòd homagij præstandi

standi causâ, ad sacrum depositum, Ecclesiam, aut imaginem Sancti te conferas; non tibi molestiam adferat visitatio, pro ejus amore infirmorum in xenodochijs, aut amicitia conjunctorum; qualiscunque tu existas conditionis.

2. In universis tuæ Patriæ calamitatibus, sollicitus, & confidens ad Romualdi validam intercessionem recurras; si ab iræ Divinæ flagellis, liber evadere exoptas.

3. Allueberi studè alicui pœnitentiæ, nihil penitus respiciendo ad tenebram ætatem, delicatam complexionem, aut generis nobilitatem.

### O R A T I O.

**E**Cce jam me, exploratum habe, ô Beate Patriarcha! nunquam amplius te derelicturum; imò continuaturum me, ad lera fata tuum famulatum, in modo tali, qualem frigidissimus meus spiritus permittet, procul dubio

dubio crede. Et quòd si interdum prætermisi præbere exteriora devotionis meæ signa; protestor tamen, & volo: ut hocce cor in amando te semper sit facile; atque in recognoscendo te meum amantem Patrem, constantissimum. Interea à meo, & Tuo munificentissimo DEO, in his meis propositis perseverantiæ donum impetra; ut eò magis, magisque in Te, & nobis pauperculis creaturis in sæcula glorificetur Amen.

*Pater noster, Ave Maria, &c.*

## QUINTA DIE MARTIS, PRÆLUDIUM.

**C**Redo te esse cōscium, quomodo  
degens adhuc in hac lacryma-  
rum valle Sanctus, terribilia à Deo  
obtenebat supplicia contra illos, qui  
injusto titulo ejus benevolos, ac de-  
votos persequabantur: è contrariò  
quemcunque aliquod illis præstantem  
beneficium inastimabilibus gratijs lo-  
cuple-

cupletabat. Nunc imaginare, quidnam non faciet gloriosus in cœlo? ubi potentia, voluntas, & charitas in perfectiori gradu eminent. Quid ergo jam pertimesces, quando & fideliter servituum firmiter te resolvisti. Insurgent fortè adversum te tui ferocissimi hostes; tu invoces Romualdum: de verberabunt te lites; recurre ad Romualdum: opprimeris ab injustitijs, aut iniqua gente; in adiutorium clames Romualdum. Ultimò, adorientur te impetu valido, spiritus, aut corporis infirmitates; te recommends protectioni Romualdi; neque minimum diffidas te opportuno tempore non exaudiendum.

*SEQUITUR VITA SANCTI.*

**R**Omualdus audito, cum teneritudinis, & summæ jucunditatis lacrymis, de invidenda, & simul felici, Tyrannorum manibus inflicta morte sui, tam amabilis filij, & discipuli Bonifacij



nificij Archiepiscopi, & Russiæ Apostoli, nuntio: præ mirabili cœlestium consolationum excessu, desiderio martyrij accensus, Hungariam versus ire decrevit. Ad cujus confinia cum viginti quatuor locijs perveniens, ipsemet forti febre correptus fuit; cui tumor associatus est, & tanta stomachi bilis, ut cibum prorsus non retineret. Eam autem non curanti, & ulterius progredi volenti augebatur ipsa; remigrare verò se resolvendi minuebatur. Dùm tamen convalescendo, adhuc ultra pergere tentaret, ipsum protinus cum majori violentia adoriiebatur; & postquam passus revolvere disponderet; integrè cessabat. Unde hanc mutam cœli loquelam, cum DEI beneplacito uniformem perpendens; missis septemdecem, in Panthioniam ad seminandam Evangelicam veritatem dictis discipulis; cum alijs in Italiam remigravit: ubi fundatâ sacrâ Eremo Camaldulensi, in ditione

Flo-

Florentina; varijsque alijs; in Sytriam secessit. Ibi septem annorum spatio, cum inviolato silentio reclusus mansit. Ibi supernaturalem Sacræ Scripturæ intelligentiam adeptus, postea admirabiliter commentatus est. Ibi ad extremum, pluribus extraordinarijs pœnitentijs, & macerationibus proprium corpus immisericorditer afflixit. Quibus medijs inæstimabilem fructum, in animabus illius climatis produxit.

## M E D I T A T I O.

1. **E**xamina, quantam habeat efficaciam Amor DEI in una Anima; quam perquirere facit omnem occasionem pro ipso patiendi; immò ad ejus gloriam sanguinem, vitamque fundendi.

2. Contemplare, quomodo multoties DEUS inspiret illud, quod ut aut protinus, aut nunquam effectum sortiatur vult; ac solummodo ad exporten-

portendam atque dignoscendam nostram promptitudinem. Quocirca quietos nos manere convenit; si nonnunquam nostræ resolutiones impedimentum patiantur.

3. Adverte prudenter, quomodo à mundi tumultibus & rumoribus recessus, ad segregatumque locum secessus summoperè adjuvet, ad acquirendam veram sapientiam, & cognitionem rerum spiritualium.

## P R O P O S I T A :

**F**Actis prædictis reflexionibus propones.

1. Gaudenti animo amplectendos quosvis super te irruentes patibiles dolores; aliasque laborum corporis, aut animi perpeffiones: quinimò aliquando eas de industria inquirendas.

2. Velle servire DEO, secundum ipsius sanctam voluntatem; non verò ut nos volumus; nempe in modo, & loco; tantum, quantum, & quando cognosces,

cognosces, mediante Patre spirituali, esse ejus voluntatem; & non alias.

3. Velle te abstrahere, quantum vires extendi valent, à publicis otijs, aut spectaculis, cæterisque sæculi occupationibus. Ea namque solum inserviunt ad dissipandum spiritum, & devotionem; atque ad non attendendum æternæ propriæ salutis.

*Fructus huius Meditationis.*

1. **C**onsuesce actuali intentione offerre DEO cunctas illas malas actiones, quæ interdum intus & foris contingere possunt.

2. Procura, nunquam per quamcunque causam tui cordis internam pacem, ac tranquillitatem perdédam.

3. Quando te compellit necessitas ad trahendam moram in publicis locis, & in plurium personarum societate; tuum cor recollige, & custodi. Et tali modò solitudinem conservabis.

OR A-

**O** Quis non probaretur à tantis animi sui sentibus, & tam validis difficultatibus in virtutum exercitio, quales ego ipsemet experior! Sine dubio crederem, quòd gustatis dulcibus bonarum operationum fructibus, quæcunque alia inutilis applicatio mihi nausearet. Sed quisnam negotium facile reddere passionesque recalcitrantes sedare poterit. Tu esse debes ô Sanctissime Romualde! qui Divino amore erga tuos clientes refertus, in Christianæ perfectionis vias ipsos conducere; atque ad portum salutis, iter alleviare, & facile reddere potes. Tibi itaque instantèr, atq; humillimè supplico, cupiens omnimodè deferendam mundanam vanitatem, meque DEO totalitèr consecrandum. Qui est super omnia Benedictus Amē.

*Pater noster, Ave Maria, &c*

S E X T A



## SEXTO DIE MARTIS.

## PRÆLUDIUM.

**N**on obstantibus diversis, & efficacibus motivis hætenus sat affectim deductis, coniicimus necdum aliquos velle se resolvere ad assumendam veram, erga hunc Sanctum Patrem devotionem. Credibile, id non procedere à modica fiducia, quam habent in summa ejus beneficentia (dum per semetipsam sit abundè manifestata) sed fortè, nè per hanc rationem cogantur rumpere antiqua illa vincula, quæ ipsos tenent arctissimè unitos, vanis mundi occupationibus. Duplicem sane committeretis errorem, ô dilectissimi! Ex una nempè parte tam pretiosis beneficijs vos privaretis: ex altera tandem nunquam à misera servitute vestrorum capitulum inimicorum emergeretis. Ah! Non amplius ad vestrum cor redire, & à tam horribilibus præcipitijs vos sejungere retardetis! Submittite vos  
semel

semel altissimo Romualdi patrocinio. Et si ipsum, etiam ultimi halitus vestri tempore, vobis habere propitium desideratis; demereri ipsum in vita, omni studio incumbite, ejus devotos sincerè vos profitendo.

### *SEQUITUR VITA SANCTI.*

**F**Vit acceptissimus Romualdus Henrico Primo, (quem alij vocant Secundum) Imperatori, & Sancto. Ad eò autem acceptus erat; ut semel occurrenti sibi Romualdo, exclamans palàm Imperator diceret: Outinam placeret DEO, animam meam esse in corpore tuo! Undè tota Imperatoris Aula, catervatim accurrebat ad videndum, & venerandum Sanctum Patrem; habendamque pro Reliquijs aliquam, ex ejus habitu particulam, & ideò vestis ejus lanam evellere sunt ausi; quamvis Sanctus non modicum rubere suffusus, & contristatus inde fuit. Vidit prætereà, ad instar magni Patri-

Patriarchæ Icalam, per quam ascende-  
bant, & descendeabant homines nivei  
coloris habitu induti. Per quod in-  
tellexit designari sibi à DEO novum  
institutum Religiosorum. Illud au-  
tem fuit Camaldulense, ab ipso post-  
modum fundatum; in duas partes di-  
visum Cœnobitarum videlicet: & E-  
remitarum. Vidit insuper adhuc vi-  
vens propriam animam præsentatam  
ante Divinæ Majestatis conspectum,  
adinftar nivis resplendentem; in hu-  
mana quidem effigie; sed in statura  
perfectæ ætatis.

M E D I T A T I O.

1. **C**onsidera; quomodo intemera-  
tæ vitæ bonitas in majori æsti-  
mationis gradu, apud mundi Magna-  
tes resideat; quàm fastus, & superbia.
2. Quomodo Religiones ab Eccle-  
sia approbatæ, Divino instinctu à San-  
ctis sunt institutæ. Proindè in æsti-  
matione, ac omni possibili veneratio-  
ne habendæ sunt.

3. Quomodo Anima in gratia DEI existens, decore, omnibus creaturis à DEI Omnipotentia productis præfulget. E contra, illa in peccati labe degens, deformato infernali monstro deformior est.

### P R O P O S I T A.

**S**Upradictis Considerationibus trutinatis propones.

1. Colendas, habendumque respectum ad quasvis personas, & maxime piâ aliquâ qualitate præditas; in quibus singulari modo, Creatoris bonitas elucet.

2. Semper discursum rectum, ac bonum ducendum de Religiosis; etiam si videantur aliqui ex ipsis non directam semitam ambulare, secundum eorum vocationem.

3. Cum omnigena & exquisita diligentia à mortali culpa declinandum. Quod si casu cecideris; procura quàm primùm culpam delere contritione, & Sacramentali Confessione.

*Fructus*

*Fructus huius Meditationis.*

1. **R**ecte opinare de tuo proximo;  
& in tuis necessitatibus, magis  
in DEI timore fundatorum orationes  
adhibeas.

2. Reverearis omnes Religiosos &  
Sacerdotes; si non ob alium rationis,  
saltem ob characteris titulum; quod  
sint in Altissimi ministros electi.

3. Ab omni occasione declina, quæ  
te ad DEI offensam deducere possit.

## O R A T I O.

**S**ANCTissime Anachoreta, & Pater  
Romualde, intimo, & humillimo  
animi mei sensu te precor; impetres  
mihî ultimo ex tuis clientibus, ab infi-  
nita Domini nostri pietate, quàm peri-  
rectissimam cordis puritatem: ut ani-  
ma mea, à quacunque peccati ma-  
cula purgata; & non amplius ali-  
quam rem, quæ ipsi displicere queat  
committendo; ante ejus purissimos  
oculos præsentari digna reperiatur.

C

Qui

Qui vivit & regnat in sæcula sæculorum, Amen.

*Pater noster, Ave Maria, &c.*

## SEPTIMO MARTIS DIE. PRÆLUDIUM.

**P**lanè res magni momenti esset; si tuo exemplo, vel verbis alios ad cultum Romualdi attraxisti; ipsemet verò, aut ob fastidium in ipsius exercitio, aut ob spiritus tepiditatem in continuando, sine fructu remansisti. Adverte sagaciter, in hoc passu à ferventioribus non permittere coronam tibi de manu eripi; & ut ipsi vice tui, optimis meritis & beneficijs, quæ in grandi copia, à charitativis Sancti visceribus prodeunt, potiantur. Aggredere igitur, sequere, & termina sensim hæc fructuola exercitia, cum ea attentione & affectu, ac si quodlibet ipsorum, in tua vita ultimum foret. Oh! quàm sunt DEO, & Sanctis grati, & accepti diligentes ac prompti datores! Hilarem enim datorem pro-

diligit



diligit DEUS. Oh quam suavem, in pietatis operibus delibant perseverantiae fructum! Indue ergo animum o fidelis Devote; proposita renova; jam nunc fortè extinctum in tuo corde fervorem, circa tam serium propriae salutis negotium, accende.

*SEQUITUR VITA SANCTI.*

**S**ANCTUS Romualdus prophetiae illustri dono fuit dotatus, varias & longinquas res praedicendo. Plures demoniacos liberos fecit. Duos statum tu mentis dimotos, & furibundos; plerosque alios corporali indispositione laborantes, vel panis frustulo, vel aqua, a se, aut suis discipulis benedicta incolumes reddidit. A quibusdam procul distantibus gravia & notabilia furta avertit, praedones mirabiliter retinendo, ac detegendo. Solius orationis virtute, magna incendia exstinxit. In summa annonae inopia, pro se sui que sequacibus, coelitibus ali-

C 2

menta

menta creberrimè obtinuit. Plurimos Principes, Heròes, insignesque Personas, Magnates, & Dynastas Regionum ad DEUM convertit. Ultimò, partim ab hominibus, partim ab humani generis hostibus, fortes persecutiones, constanti animi robore pertulit.

## M E D I T A T I O.

1. **C**onsidera, Si Divina Bonitas, etiam in suos seivos in terris adhuc viventes tam est liberalis; & ipsis pro se, aut pro alijs deprecantibus omnes gratias elargitur. Quidnam non faciet Beatis in cœlesti Patria?

2. Specialissimum Romualdo honorem à DEO collatum; ipsius meritis mentis impotes curando; res rarissima!

3. Quòd non obstantibus tot insignibus favoribus, quibus erat ab Altissimo dotatus; nihilominus ejus permissione, ab infernalibus spiritibus, &

mun-

mundanis personis permultum affligeretur.

PROPOSITA.

**F**initis prædictis considerationibus propones.

1. Ponendam, quàm singularissimam fiduciam in incomparabili S. Romualdi intercessione; quâ te à quavis notabili, etiam extraordinaria calamitate liberare queat.

2. Nunquam in tuis necessitatibus, de Divina Providentiâ desperandum; at illico ad illam confugiendum, mediante hoc Sancto Patriarcha.

3. Non pertimescendas tribulationes, quasi signa iræ supernæ; verùm complectendas, ut quendam arrabonem, Divini Amoris, erga nos.

*Fructus huius Meditationis.*

1. **I**ncipe graviores tuas necessitudines animæ, aut corporis, aut familiæ tuæ Sancto commendare.

2. Utaris in bonum rerum cognitione,

one, sanitate, & commoditate; quam  
DEUS pijsſimus tibi elargitur.

3. Humiliter ante DEUM, & homines: è contra verò in quacunque  
adverſitate exultes,

### O R A T I O.

**O**Mnipotens ſempiternè DEUS,  
qui in conſilio Sanctorum tuorum  
gloriaris, preces mei miſeri peccatoris  
exaudi; atq; meritis, & interceſſione  
Beati Abbatis & Confelloris Romu-  
aldi dignantèr præſta; ut aliquando  
ſublever ex obſcuritate imperfectiſſi-  
mæ vitæ, & erigar ad cælitudinè tuæ Di-  
vini famulatus; profitendo tibi amo-  
rem purum & fortem; proximo fer-  
ventem charitatem; ipſimet autem  
glorioſo Patriarchæ perpetuam & in-  
timam devotionis ſubjectionem. Qui  
vivis & regnas in infinita læculorum  
ſæcula. Amen.

*Pater noſter, Ave Maria, &c.*

**OCTA-**

## OCTAVO DIE MARTIS.

## P R Æ L U D I U M.

† **E**Cce jam adest terminus tui itineris spiritualis, Exercitiorum inquam Novendij, ad perpetuam laudem Sancti Romualdi arreptorum. Confiterè eādem, quòd licet illis cum illa attentione & spiritu, quem requirunt, non es ulus; nihilominus quasi defectum tuum suppleres, quando majorem in te semper percipis dispositionem, ad ipsi serviendum, & iterandam aliàs fructuosam hanc devotionem. Assume ergo animum, & his duabus diebus resolve te ad uniendam omnem, quam olim habuisti applicationem; ita, ut in fervoris intentione, & cordis teneritudine, erga ineffabilem tam præclari Sancti bonitatem, omnes aliàs hæcenus habitas præcellat. Ah quàm perpulcher & utilis devotionis hic Epilogus, debet esse acceptus DEO, charus Angelis; gratus Romualdo! Nunc jam vide-

bis, quàm sit fructuosum animæ tuæ, propius & verius ad tam potentis Protectoris cor accedere.

### SEQUITUR VITA SANCTI.

**D**Ecrepitus noster Sanctus Pater cognoscens tempus appropinquare, quo, destructo languidi corporis sui carcere liberâ & solutâ animâ ad perennem cum DEO evolare deberet unionem; inenarrabili lætitiâ plenus, cunctis palâm communicavit, quod post breve, sibi tamen visum diuturnum, duorum scilicet annorum curricula, extrâ hanc terram terræ mansionem futurus esset. Recessit proindè ad Eremum à se ædificatam Valis de Castro, septem milliaribus Fabriano distantem. Ibi in loco aliquantulum ab aliorum conversatione remoto, extruxit Cellam cum Sacello, ad præsens Sancti Blasij nuncupato. In hac reclusus, nihil remisso solito jejunii rigore, in altissima contemplatione,



platione, & silentio mansit; atq; sic;  
ut verus Anachoreta, absque aliqua  
humana assistentia, ultima suspiria ef-  
flare voluit. Serotinâ horâ diei 19.  
Junij, Anni 1027. duos Religiosos è  
cellula dimisit, in gravi & ultimâ ne-  
cessitate sibi assistentes; ipsisque man-  
davit, ut ad Eremum recedentes, post  
cantatum matutinum ad se redirent.  
Suspicientes nihilominus discipuli San-  
ctum Patrem, ut verum solitarium,  
velle suum spiritum purissimum exha-  
lare, & sine alicujus interventu; uti  
prædictum habuerat viginti ante an-  
nis; non multùm à cella recesserunt.  
Transacto deindè brevi temporis in-  
tervallo, cùm attentius auscultarent;  
& neque motum corporis, neque vo-  
cem audirent, jam quod evenerat ve-  
racitè opinantes, impulsâ januâ velo-  
citer irruunt, lumen accendunt, &  
Supinum Sanctum, jacere mortuum,  
consternati reperiunt. Quò perve-  
nientes omnes discipuli, Sanctum Cor-

pus in principali Ecclesia Monasterij, cum Hymnis & Canticis, inter devotas lacrymas & suspiria deposuerunt. Vixit Beatissimus Pater centum viginti annis, ex quibus viginti expendit in sæculo, tres duxit in Monasterio, & nonaginta septem in Eremitica transigit austeritate.

## M E D I T A T I O.

1. **C**ONsidera, quomodo Sancti, Quamvis singulari privilegio de Divina gratia securi, & futura Paradisi gloria; tamen antequam tempus mortis appropinquaret, ab omni exteriori negotio recedebant; ut se totos in DEO reponerent, & transirent feliciter ad eum.

2. Quomodo illis, qui adhuc in vita degentes, dimicare ferio contra tentationes, ipsasque vincere, sunt assuefacti; deinceps in mortis articulo, non sit opus humanâ assistentiâ. Quocirca illis superandis primò assueiscere proficuum est.

3. Quomodo expavescere non debeamus in servitio Divino, omni tempore vitæ nostræ, licet si prolixiori. Quoniam Divina Bonitas id meretur, nos quoque obligamur.

**P R O P O S I T A :**

**P**Rædictis considerationibus transactis propones.

1. Vitam agendi, quantum vires tuæ se extendunt, segregatam à mundi turbinibus; nè tibi in ultimo motus puncto, sint laqueus & impedimentum.

2. In singulos dies hanc expressam, & fixam habendam reflexionem, quasi quilibet ipsorum ultimus esset terminus vitæ tuæ.

3. Quotidiè pro moribundis, ad finem felicitatis eorum ex hac vita transitus, orandum.

*Fruſtus huius Meditationis.*

1. **V**Esperè, antequam ad requiescendum te conferas, serio concipi

conscientiam tuam examines, & de commissis inter diem culpis, à DEO veniam expostules. Ad hunc finem etiam, si nocte illâ te exhalare spiritum improvisò contingat, examen Confessionis ante DEUM tibi serviet.

2. Omni die, aliquâ singulari oratione, Domino DEO, Sanctissimæ Virgini MARIÆ, Sancto Josepho, S. Romualdo, alijsque tuis Sanctis Advocatis animam devotissimè commendes; ut si calu mortis id facere nequeas, tempus nunc anticipes.

3. In memoriam tibi creberrimè veniat, quòd sis è vita migraturus. Ideò in Purgantium Animarum suffragium, aliquod opus bonû applices.

## O R A T I O.

**M**Agnum resplendentium virtutum specimen meæ mentis oculis repræsentatur, fixè perpendentibus prodigiosissimam tuam vitam, o Beatissime Pater. Nimiùm absorptus  
maneo,

maneo, alta mentis indagine trutinans  
tâm admirandas actiones tuas, tâm  
prodigiosa miracula. Effice tandem,  
ut te imitando quantum valeo, post  
fragrantiam pretiosorum unguento-  
rum tuorum curram; & transacta hac  
miserâ vitâ, Te sequar in æterna.  
Quam, mundi Redemptor & Judex  
Christus, per suam infinitam bonita-  
tem concedere dignetur. Amen.

*Pater noster, Ave Maria, &c.*

NONO ET ULTIMO  
MARTIS DIE,

PRÆLUDIUM.

**H**Ac ultimâ Novendij die, præsto-  
latur à te S Romualdus perfe-  
ctum cordis Sacrificium; & constan-  
tem tuarum mortificationem passio-  
num. Jam pluries præteritis feriis  
pollicitus es futurum te ejus perpe-  
tuum & devotum servum; ipsumq;  
sequi in sanctis vitæ operationibus (po-  
pondisti. Nunc idem monstrabis, sæ-  
pius

pius frequentando Sanctissima Sacramenta; auscultando ultra solitum, devotè, Verbum DEI; voluntariè amplectendo abstinencias & jejunia, adjuvando tuum proximum in rebus ad animam, & corpus pertinentibus; libentè & procul recedendo à vanitatibus mundi; ex animo DEUM placando & precando pro inimicis, cum ipsisque te reconciliando; mortificando lenius, atque tuam vitam, quantum possibile, conformando vitæ Sancti Patris. Ad quem finem ipsi, aliquod devoeum tributum, vocalium & jaculatoriarum precum offeras; in vocando ipsum vivo corde in necessitatibus, & tribulationibus. Hæc erunt & similia, magis manifesta signa tuæ devotionis erga ipsum, & profectus deprompti ex hoc Novendio. Benedictio itaque Patris, & Filij, & Spiritûs Sancti tecum maneat, custodiatque te ab omni malo, per servitii Romualdi merita. Qui tibi etiam,



ab eodem Domino liberalissimo Largitore, omnis desiderabilis boni plenitudinem impetret. Amen.

*Succincta Historia Translationis S. ROMVALDI.*

**T**Ransacto, à morte S. Patris quinquennio, Authoritate Apostolicâ, per Joannem XX. Pontificem Maximum, Anno 1032. conclusum fuit; ut Sacrum Corpus ejus exhumaretur, ac in decentiori loco collocaretur; atque in nova tumba intra altare ad publicam venerationem exponeretur. Ad quem finem Prior Eremitæ Vallis de Castro, dictus, P. Dominus Azo, S. Patris discipulus paravit parvam arcam, supponendo eam fore sufficientem ad recipiendas sacras Reliquias; quas jam in pulverem redactas opinabatur. Interim Sanctus, cuidam Religiosorum in somnis apparuit, impetrans; ut certiolem redderet Priorem, illam, at-  
cam,

cam, ad includendum Corpus suum, esse incapacem. Rei veritatem exitus probavit. Aperto namque sepulchro, tam integrum & pulchrum Sacrum Corpus reperierunt; ac si illud sepulturæ, eo instanti tradidissent. Proinde sine mora, facta fuit alia grandis, & sufficiens arca; quæ secundum antiquam traditionem hucusque conservatur sub quodam collateralium altariū, in Ecclesia S Blasij Fabriani. Per quam Dominus, etiam ad præsens plurima miracula operari dignatur, maxime in infantibus, eo, gratiâ acquirendæ sanitatis repositis.

Posito itaque, sub quodam novo Altari Sancti Romualdi Corpore, sparsaque famâ, quod omnino incorruptum conservaretur, (sicut in veritate integrum inventum est, Anno Millesimo, Quadringentesimo, Sexagesimo Sexto; quadringentis triginta novem annis elapsis, post felicem ejus transitum, in Anno Millesimo Quadringentesimo

tesimo Octuagesimo primo, duo Religiosi Pedemontani extranei, inter se convenerunt eò personalitè eundum, & clam raptum, ad suum Monasterium deportandum. Supervenientibus itaque sacrilegis manibus, & vix contrectantibus, protinùs vestimenta Sancti, & Caro in cinerem resoluta sunt; pulpâ spoliatis Sacris Ossibus solummodo remanentibus. Ad hoc miraculum nihil perterriti, ociùs Sacra Ossa in saccum immiserunt, & cum eò ad Civitatem Aulam iter aggressi sunt. Ad cujus Cauponam se recipientes, Sacrum depositum in pavimento cujusdam habitaculi reposuerunt. Casu deniq; transeunti filio Cauponis visum fuit magnum incendium; vocat proindè Patrem; sed & huic similiter videbantur exurgere flammæ ignis usque ad tectum. Ambo cubiculum intrant, & nihil reperiunt, præter vilem saccum in terra depositum, plenum ossibus. Recursu igitur facto

facto de rei novitate ad Episcopum, interim ejus mandato, duo delinquentes sub areſto poſiti ſunt. de quibus fama tulit, ipſos in quodam nemore, à feris immanitèr devoratos fuiſſe, & infelices vitam miſerabiliter finiſſe. Undè Episcopuſ convocato Clero, populique multitudine, diverſorium adiens, Sacraſ Reliquiaſ ad Cathedralem Eccleſiam tranſtulit. Interim Patreſ Valliſ de Caſtro, iſtanteſ preceſ pro recuperandiſ ipſiſ fecerunt; ſed tam Episcopuſ, quam Aſinateſ precibuſ eorum non annuerunt. Quocirca Patreſ Macerataſ adierunt, Legatuſ à latere Cardinaleſ interpellanteſ, ipſeque decrevit; ut relicto Aſinaſ Eccleſiaſ uno brachio Corporiſ Sanctiſ, Traſ reliduſ totuſ Monachiſ Camalduſiſ, leniſibuſ reſtitueretur. Arrepto itèr nere cum Sancto pignore, controverſia exorta eſt, eſſetne ad antiquuſ Valliſ de Caſtro monumentuſ depoſitandū, an potiùſ Fabrianuſ? Tan-

dem

m, dem mulus, super quo tam pretiosus  
en- thesaurus jacebat, litem diremit; si-  
ous quidem nullā vī humanā induci po-  
re, terat, ut viam relinqueret, quæ Fa-  
& brianum ducebat; & Cænobium ver-  
. ) sūs Vallis de Castro, passus revolveret.  
ro, Quō appropinquantibus Sacris Reli-  
um quijs jam hora tardiori, sine scitu Fa-  
ra- brianensium, omnes campanæ impro-  
rim visō ipsæmet sonum ciēre incipientes,  
re- publicum communis lætitiæ signum  
sed dederunt. Quocirca cum jubilo uni-  
eci- versali, & solemni Processione, in Ec-  
rcat- clesiam S. Blasij illatæ fuerunt, atq;  
um in marmorea arca, sub majori altari  
tes, depositæ; ubi singularissimā devotione  
Ec- semper coluntur. Contigit prædicta  
cti, Translatio circa annum nostræ salu-  
du- tis, Millesimum, Quadringentesimum  
iti- Octuagesimum Secundum, Die Se-  
ver- ptimā Februarij.

## MEDITATIO.

Val-  
or-  
an-  
em  
i. **C**ONsidera, quanta fuerit puri-  
tas Romualdi, quæ per tot sæ-  
cula

cula sui Corporis meruit incorrupti-  
onem.

2. Quomodo ad Sanctorum Reli-  
quias, cum magna reverentia & cir-  
cumspeditione accedere debeamus; ex-  
pectando incurrendam eorum indi-  
gnationem, si contrarium fecerimus.

3. Perpende; quod multoties sub  
specie devotionis, aut zeli permagni  
errores committantur. Unde con-  
sulere virum probum consentaneum  
est, priusquam rem aliquam magni  
momenti, & extraordinariam ope-  
rari exordiaris.

## P R O P O S I T A.

**F**Actis supradictis considerationibus  
propones.

1. Custodiendam omni possibili a-  
nimadversione, tui cordis & corporis  
puritatem.

2. Ante contactum. aut osculum  
Reliquiarum Sacrarum, petendam  
quodammodo licentiam ab illo San-

cto



eto, ac demùm actu Contritionis animam purificandam, ut digniùs eas accedas.

3. Non permittere te vinci à Creaturis irrationalibus, in præbendo Sanctis honore; & tantò magis ab insensibilibus.

*Fructus huius Meditationis.*

1. **I**Ntentationibus & periculis contra puritatem recurras humiliter, & fiducialiter ad Romualdum.

2. Appropinquando Sanctis Reliquijs, cogita te accedere ad ipsum Sanctum, cujus sunt.

3. Operare illud bonum, quod est certum & securum; & nunquam dubium, aut speciosum sine consilio aggrederè.

**O R A T I O.**

**Q**uàm dulce est, & suave tibi famulari prompto animo, ac generoso, ò gloriose Romualde! Ego confiteor, quòd licèt si hos novem dies,  
tuo

tuo honori dedicatos frigido spiritu ne transegerim ; nihilominus admodum me sentio consolatum , atque compulsum ad te incessanter amandum ; monstrandosq; ipsis operibus, meæ debitæ gratitudinis affectus. Interim blando animo recipe id, quod haftenus ad tuæ gloriæ augmentum, quæque animæ utilitatem exercui ; & perfice quidquid in mea intentione in posterum faciendum, viget ; imprimendo in corde meo indelebile, tu obsequentissimi servi signum ; cujus virtute, omni tempore, & loco, in laudibus tuis occuper, sperando in Divina Misericordia, tibi me associandum in cœlis, per totam Æternitatem.

*Pater noster, Ave Maria, &c.*

## Alia Devota Oratio,

AD PATRIARCHAM

S. ROMVADV M.

Sanctissime Pater, cum ipsis operibus altissima merita tua veneranequeam

ritu nequeam; ad minus mihi concedatur,  
ut laudis tributum præstare tibi va-  
leam; unciè adæquatum motivum ad-  
mirandæ eminentiæ illarum singula-  
rum virtutum percipiam, quæ tuam  
In Animam felicem reddiderunt. Si igitur  
exaltare audeo Divinum Amorem  
qui in te regnabat; ecce fuisti quæ-  
dam flamma, quæ incessanter arde-  
bat, sæpissimè coactus clamoribus ex-  
halare ardores tui igniti cordis. Si  
tu vero Amorem erga proximum laudare  
jussus assurgo, ecce totum mundum salvare  
laucupiens, in Eremum convertere volu-  
isti. Si donum Orationis magnificare  
prætendo; creberrimè te extra se ra-  
ptum cerno; & transformatum in  
DEUM, per contemplationis excelsu-  
m. Si abstinentias celebrare desi-  
dero; jam exploratum patet, quòd per  
longam annorum seriem, solo rigidis-  
simo jejuniorum alimento sustenta-  
veris. Si puritatem mentis, & cor-  
poris describere satago; sufficit dicere,  
quòd

quòd ab ipsismet Sanctis, Angelus incarnatus nominareris. Si denique, omnium tuarum virtutum splendorem demonstrare studebo; ecce te splendidissimam stellam, luminosum Planetam honorari audio. Sed advertens, quòd ipsamet Seraphica lingua languesceret in perfecte explicanda sublimitate sanctitatis, & gratiarum, quibus tuum fortunatum Spiritum Pater luminum cumulavit; idcirco dispono permutare laudes in preces; tibi que intimo corde supplicare, ut velis mihi esse fax ad incendendum cor meum Amore DEI, & proximi; dux in oratione, exemplum in patientia, speculum in castitate; author in patientia; sustentaculum in lapsu; solatium in tribulationibus; regula in actionibus, socius in laboriosa hujus miseræ vitæ peregrinatione; Protector, & Assistens in tremenda mortis hora; ut tandem in æterna gloria confors tui esse possim, Amen.

*Intentio*

*Intentio & Methodus Feriarum  
quinque tertiarum, quæ à devo-  
tis ROMVALDI servis sunt  
faciendæ, proximè ante diem  
gloriosi sui transitûs in cœ-  
lum; qui 19. Iunij ce-  
lebratur.*

**I**N hujus Libelli frontispitio innui-  
mus, quomodo quinque Meditati-  
ones, & Orationes Novendij hoc si-  
gno † adnotatæ adhibendæ sint, pro  
totidem diebus Martis, ante festum  
præfati Sancti in Junio. Modo, ut  
notum maneat, ad quem finem sunt  
instituti, observandum est. Quomo-  
do Beatissimus Pater, ante suum tran-  
situm ex hac vita, ad immortalem, per  
quinque Menses continuò, & irremissè  
nimis molestam infirmitatem corpo-  
ralem sustinuerit. Proinde ad pro-  
merendam à Domino DEO, medi-  
ante

ante Sancto Patriarchâ, non solum  
 resignationem & tolerantiam in no-  
 stris infirmitatibus, verum etiam gra-  
 tiam summę desiderabilem bonę &  
 sanctę mortis, præsentia exercitia ser-  
 vient.

*Adverte.*

**N**E autem, ab hoc utili devotio-  
 nis exercitio jejunia te perterre-  
 ant, pergratum erit ipsi Sancto; si aut  
 lacticinijs contentus te mortificabis,  
 aut ab aliquo meliori cibo abstinē-  
 bis, aut saltem parcimoniam se-  
 rotino tempore adhibebis,  
 dummodò id pura men-  
 tis devotione, & affe-  
 ctu facias.





## O F F I C I V M

## P A R V U M

*Sancti Patris Nostri*

## R O M V A L D I

## A B B A T I S.

*A Sacra Rituum Congregat. approbatum.*

## A D M A T U T I N U M.

V. **D**omine labia mea aperies,  
 R. Et os meum annuntiabit  
 laudem tuam.

V. **D**ELIS in adiutorium me-  
 um intende,

R. Domine ad adjuvandum me festina.

V. Gloria Patri, & Filio, & Spiritui S.

R. Sicut erat in principio, &c. Alleluja.

vel: Laus tibi Domine Rex æternæ  
 gloriæ.

## H Y M N U S.

**T**u, qui ruentis sæculi,  
 Bonis relictis omnibus,

D 2

Rupes

Rupes petisti montium,  
 DEO ut placeres anxius.  
 Nobis Pater surgentibus,  
 Summo Parenti maximo  
 Laudes daturis maximas  
 Succurre voto supplici.  
 Somnum repelle noxium;  
 Absterge nubes mentium,  
 Ut Sempiterno Numini,  
 Preces canamus seduli.  
 Præsta hoc Beata Trinitas,  
 Concede simplex Unitas.  
 Ut te hic colentes unicè  
 Tecum fruamur æthere, Amen.

*Antiph.* In Matutinis, laudibus semper adstabat Altissimo Beatus Romualdus, alijs divinis officijs non intermissus.

ψ. Ora pro nobis Beate Pater ROMUALDE,

ψ. Ut digni efficiamur promissionibus Christi. ORATIO.

DEUS, qui famulum tuum ROMUALDUM Abbatem, spiritus sancti duci

ducis gaudijs hujus vitæ ad confessi-  
onis gloriam sublimasti; fac nos, quæ-  
sumus, ipsius meritis, ab hujus mundi  
onere sublevatos, cœlestia omni tem-  
pore anhelare. Per Dominum, &c.

## AD PRIMAM.

ψ. Deus in adjutorium meum, &c.

## HYMNUS.

**N**ostris adesto vocibus,  
Pater precamur supplices,  
Res ut diurno tempore  
Puris agamus mentibus.

Nostros labentes dirige,  
Cœli preces ad Principem,  
Morte ut perempti corpore,  
Vita fruamur cœlitum.

Præsta hoc Beata Trinitas,  
Concede simplex Unitas,  
Ut te hic colentes unice,  
Tecum fruamur æthere, Amen.

*Antiph.* Vir vitæ venerabilis magis  
elegit vitam Monasticam ducere Be-  
atus Romualdus, quàm in tumultibus  
seculi manere.

D3

ψ. Ora

ψ. Ora pro nobis Beate Pater ROMUALDE,

R. Ut digni efficiamur, &c.

O R A T I O.

**F**Ac nos quæsumus Domine Beati Patris Nostri Romualdi hic imitari labores, ut illic ejus gloriæ participes esse mereamur. Per Dominum nostrum, &c

A D T E R T I A M.

ψ. Deus in adjutorium meum, &c.

H Y M N U S.

**V**T Romualdus hostium,  
Virtute continentiae  
Victis furentum fraudibus  
Jam possidet cœlestia.

Sic nos devicto sæculo,  
Castis, fideque moribus  
Ipso juvante maxima  
Cœli assequamur præmia.

Præsta hoc Beata Trinitas  
Concede simplex Unitas,  
Ut te hîc colentes unicè,  
Tecum fruamur æthere, Amen.

*Antiph.*

*Antiph.* Sancte Romualde Christi  
Confessor, audi rogantes servulos, &  
impetratam cœlitus; tu defer indul-  
gentiam.

ψ. Ora pro nobis, &c.

## O R A T I O.

**I**ntercessio nos quæsumus Domine,  
Beati Patris nostri Romualdi Abba-  
tis commendet, ut quod nostris meri-  
tis non valemus, ejus patrocínio at-  
sequamur. Per Dominum nostrū, &c.

## A D S E X T A M.

ψ. Deus in adjutorium meum, &c.

## H Y M N U S.

**A**udi preces Sanctissime,  
Quas, Romualde, fundimus;  
Christoque Regi gloriæ,  
Virtute caros effice.

Illum precare fervidus;  
Ut tollat omne noxium,  
Donetque cuncta prospera,  
Et hîc, & in cœlestibus.

Præsta hoc Beata Trinitas,  
Concede simplex Unitas,

Ut te hîc colentes unicè,  
Tecum fruamur æthere, Amen.

*Antiph* Bonis semper operibus Be-  
atus Pater Romualdus insistebat, no-  
cte, ac die Domino famulando.

ψ. Ora pro nobis, &c.

O R A T I O.

**O**Mnipotens sempiterne DEUS, cui  
cuncta famulantur elementa, e-  
xaudi propitius orationem nostram,  
& tribue nobis misericordiam tuam:  
ut quæcunq; præcipis, intercedête Be-  
ato Romualdo Confessore tuo, im-  
plere possimus. Per Dominum no-  
strum, &c.

A D N O N A M.

ψ. Deus in adiutorium meum, &c.

H Y M N U S.

**T**U Christe, summa Charitas,  
Ac sempiterna Bonitas,  
Cor nostrum redde blandulum,  
Per Romualdi gratiam,  
Hîc proba, & ignominias,  
Divino amore laucius,

Vultu



Vultu sereno pertulit,  
Ob idque fulget inclitus.

Præsta hoc Beata Trinitas,  
Concede simplex Unitas,  
Ut te hîc colentes unicè,  
Tecum fruamur æthere. Amen?

*Antiph.* Erat Beatus Romualdus  
perfectò fide præclarus, in virtutibus  
gratiosus, & hospitalitate præcipuus.  
ÿ. Ora pro nobis, &c.

*O R A T I O.*

**C**Oncede nobis Domine, quæsu-  
mus alacribus animis Beati Con-  
fessoris tui Romualdi commemora-  
tionem quotidie peragere, cujus di-  
versis decorata miraculis, tibi vita  
complacuit. Per Dominum, &c.

*A D V E S P E R A S.*

ÿ. Deus in adjutorium meum, &c.

*H Y M N U S.*

**B**Eatus iste, corporis,  
Tandem solutus vinculis,  
Post longa victor æthera  
Jam possidet certamina.

*Ds**Frustra*

Frustra superbas intulit,  
 Minas Tyrannus Tartari:  
 Frustra dolos, & omnia  
 Inferni novit agmina.

Præsta hoc Beata Trinitas,  
 Concede simplex Unitas,  
 Ut te hîc colentes unicè,  
 Tecum fruamur æthere Amen.

*Antiph.* Sancte Romualde Christi  
 Confessor, tu nostræ Religionis divi-  
 nitus plantator, sis apud DEUM no-  
 ster pius intercessor.

ÿ. Ora pro nobis, &c.

# ORATIO.

Clementiam tuam mitissime DE-  
 US humiliter imploramus, ut me-  
 ritis Beati Romualdi, & prosperi  
 mundi despicere, & cœlestium dono-  
 rum mereamur participatione gau-  
 dere. Per Dominum, &c.

# AD COMPLETORIUM.

ÿ. Convertte nos Deus Salutaris noster,  
 R. Et averte iram tuam à nobis.  
 ÿ. Deus in adjutorium meum, &c.

HY.

## H Y M N U S.

**I**am noctis ecce frigida  
Conturgit umbra densior,  
Curam Pater nunc suscipe  
Gregis, precamur, supplicis.

Depelle nobis somnia,  
Et dæmonum fallacias,  
Sit pura mens, sit pervigil,  
Sopor fovet dum Corpora.

Præsta hoc Beata Trinitas,  
Concede simplex Unitas,  
Ut te hîc colentes unicè,  
Tecum fruamur æthere. Amen.

*Antiph.* Verè Angelus DEI, verè  
Propheta Sanctus, & lux magna in  
finibus nostris apparuit.

ÿ. Ora pro nobis, &c.

## O R A T I O.

**O**Mnipotens sempiternæ Deus, qui  
Beatissimi Anachoritæ tui Romu-  
aldi, mentem tantis divini luminis ra-  
dijs illustrare dignatus es, ut perfe-  
ctæ solitariae vitæ excogitator extite-  
rit, normamque in tui laudem jugi-

tèr servandam, in cacumine Montis Apennini mirabiliter instituerit: concede, quæsumus, nobis ejus alumnis, quos in nomine tuo genuit, tantâ animi puritate in via præceptorum suorum versari, quatenus à terreno, ad æternum Montem, in quo tecum habitat, purificati conscendere valeamus. Per Dominum nostrum, &c.

*Commendatio ad eundem Sanctum Patrem ROMV.  
ALDVM.*

**O**bscuro te Beatissime Pater Romualde dilecte DEI, perfectus in charitate cœlesti, Pater inquam, & Magister Eremitici propositi. Pater, qui sacram Eremum, ordinemque nostrum Camalduli per mysterium cœlestis scalæ, instar Jacob Patriarchæ tibi cœlitus ostentum, Domino nostro JESU Christo benedictio in altis montibus sacraſti, ut nos famuli tui, calcato

cato sæculo, discamus per humilitatem Religionis ascendere in montem divinæ contemplationis, quæ est janua scalæ cœlorum. Et ut sedentes ad pedes Domini cum MARIA, fundere studeamus sicut aquam cor nostrum ante conspectum Sanctissimæ Trinitatis, ut misereatur nostri Omnipotens Pater, & Angelorum nos præsidio cum Jacob muniat. Obsecro, inquam, te Beatissime Pater, memor esto omnium Camaldulensium tuorum, ac totius Christianæ gentis. Deprecare, etiam pro me indigno servo tuo, ut illuminet me radius gratiæ Spiritûs Sancti, quatenus lordibus omnibus mentis, & corporis expurgatis, universis bonis, ac sanctis virtutibus exornet. Sic verò in dilectione DEI, & proximi, cum vera Religione, Fide, Spe, & Charitate, & humilitate, & mansuetudine me exerceam, ut ad eam cœlestis mentis contemplationem, me aliquando rapi sentiam,

tiam, quā te hīc olim rapi consuevisti, dūm inhians in superna fluentis fontis vitæ, quasi totus in lacrymas resolutus æstuante in te ardore divini amoris, clamabas ad dulcissimum Dominum JESUM: Chare JESU, chare; mel meum dulce, desiderium ineffabile, dulcedo Sanctorum, suavitas Angelorum, & his similia multa proferebas in júbilo. Commendoque tibi piissime Pater animam meam, corpus, & spiritum meum, omnes qui se meis commendaverunt orationibus, amicos, & inimicos, ut tu, qui DEI amicus es, & securus de te, sis quoque de nobis sollicitus, & nos precibus juves. Et rogo te dulcissime Pater, ut me famulum tuum hodiè, & semper tuis sanctis intercessionibus protegas, quatenus nomen JESU, & Angelus ejus bonus expellat à me omnem Sathanæ nequitiam, ac terrorem, & misereatur animæ meæ in egressu suo miserator Dominus. A.



A D D I V U M  
ROMVALDVM  
A B B A T E M,

Camaldulensis Ordinis Fundatorem.

*Pro impetranda ejus protectione pra-  
cipue in liberandis Obessis, &  
Infirmis sanandis.*

H Y M N U S.

QUÆ Virtus, quæ potentia,  
Quâ Romualdus polleat  
Ægros, superque Dæmones,  
Ejus Sepulchrum edocet.

Cum lectulo decumberet,  
Quinquennio fere sustulit  
Ad initar mole Dæmonem  
Ejus prementem genua.

Amentis frontem osculans,  
Obsessi insuflans faciem,  
Utrumque sanum reddidit;  
Sic irridebat Dæmonem.

Cum

82 *Hymnus ad D. Romualdum.*

Cum parvo panis frustulo  
 Alium sanat puerulum,  
 Lymphâ, quâ manus terferat,  
 Langores multos expulit,  
 Alius Cilicium intuens  
 In Templo occultum, ejulat,  
 Illud illud me abigit,  
 Et statim Dæmon exijt.  
 Rogo DEUS Sanctissime,  
 Per Romualdi merita,  
 Obsessi ut à Dæmone,  
 Sintque ægri à morbis liberi;  
 Uno trinoque Domino  
 Sit sempiterna gloria,  
 Qui Romualdo contulit,  
 Flagellum esse Dæmonis. Amen.  
 ψ. Ora pro nobis Sancte Romualde,  
 ϣ. Ut digni efficiamur promissioni-  
 bus Christi.

*O R E M U S.*

**D**EUS, qui famulo tuo Romual-  
 do Abbati gratiam, & Virtutem  
 super ægros, ac Dæmones conferre  
 dignatus es: Supplicationes nostras  
 benignus

benignus respice, ut ejus meritis, & intercessione omnem Creaturam à nefariis Spiritibus, & ab omni Corporis infirmitate liberare, ac præservare digneris. Per Christum Dominum nostrum, Amen.

# RESPONSORIVM S. ROMVALDI.

*Ad petendum ejus Patrocinium.*

**S**I quæris Patrocinium,  
Et Romualdi gratiam,  
Quid possit ejus dextera,  
Fabrianenses adeas.

Obsessos, & à scabie,  
A bello, & à contagio;  
Attractos, atque pavidos  
Pupos, amentes, liberat.  
Sancti contactu Cranij,  
In præsens aqua cernitur  
Morbos & incurabiles,  
Sanare frequentissimè.

Obsessos,

Obsessos, & à scabie;

A Bello, & à contagio;

Attractos, atque pavidos

Pupos, amentes, liberat.

Gloria Patri, & Filio, & Spiritui S.

Obsessos, &c.


Ps. Ora pro nobis Sancte Romualdi;

R. Ut digni efficiamur promissionibus Christi.

*O R E M U S.*

**D**EUS, qui famulo tuo Romualdo Abbati gratiam, & Virtutem super ægros, ac Dæmones conferre dignatus es: Supplicationes nostras benignus respice, ut ejus meritis, & intercessione omnem Creaturam à nefarijs Spiritibus, & ab omni Corporis infirmitate liberare, ac præservare digneris, Per Christum Dominum nostrum.

A M E N.



AN.

# ANTIPHONA

## AD BEATUM PATREM

# BENEDICTVM.

*Pro impetranda assistentia ipsius, in mortis articulo.*

**S**Tans in Oratorio dilectus Domini Benedictus, Corpore & Sanguine Dominico munitus, inter discipulorum manus imbecillia membra sustentans, erectis in cœlum manibus, inter orationis verba Spiritum efflavit; qui per viam stratam pallijs, & innumeris coruscantibus lampadibus, cœlum ascendere visus est.

ψ. Gloriosus apparuisti in conspectu Domini,

℞. Propterea decorem induit te Dominus.

### OREMUS.

**D**EUS, qui pretiosam mortem Sanctissimi Patris Benedicti, tot tantisque

86     *Ant'phona ad S. Benedictum.*

tisque privilegijs decorâsti; concede  
quæsumus nobis, ut cujus memoriam  
recolimus, ejus in obitu nostro, beatâ  
præsentia, ab hostium muniamur in-  
fidijs. Per Dominum nostrum JE-  
SVM Christum Filium tuum, qui te-  
cum vivit & regnat in unitate Spiritûs  
Sancti DEVS, per omnia sæcula sæ-  
culorum, Amen.

## P R O S A

De Sanctis quinque Fra-  
tribus Martyribus Polonis.

*Ex antiquo Breviario Polonorum, ex  
revelatione S. Joannis Eremitæ Ca-  
maldulensis, composita est à R. P.*

*Nucio, Ordinis S. Franc. de  
Observ. ut infra.*

**T**Ota die jubilemus, in hac die exul-  
temus, Tot clarorum invocemus,  
Sanctorum suffragia.

Qui



Qui in Christo renalcentes, mundi  
hujus res puentes, vana quæque conte-  
rentes, pergunt ad cœlestia.

Boleslaus Rex Polonus, transit ad  
hos Sanctos pronus, ferens eis munera.

In oscula proruentes, quem Sancti  
benedicentes, Rex petit itinera.

Quod Latrones audientes, pergunt  
illuc festinantes, ferunt Sãctis vincula.

Ab his nummos extorquebant; ad  
quos Sancti sic ajebant: vivimus per  
sæcula.

Boleslao remisimus, nam hos corde  
contempsimus, quærentes cœlestia.

Latrones non crediderunt, gladijs  
hos occiderũt, sunt mortis compendia.

Sic per multas passionēs, ad super-  
nas mansiones, gloriosi Proceres,

Festinant: & in nemore, læti suo in  
corpore, ducunt mortem celeres.

O quam felix Polonia, felicior Ca-  
simiria, fiunt ibi prodigia, ex Divino  
munere.

Licèt

Licet ibi in faustitate, Reliquiæ sunt locatæ, tellus tamen suxit lautè, horum sanguinem verè.

Cæcus, claudus, surdus, mutus, ab omni erit tutus, ægris membris destitutus, horum sanctis precibus.

Ergo quivis Christicola, dives, pauper, rusticola, extraneus, & incola, esto ad hos votivus.

Precamur vos jam Patronos, Regi nostro incolonos, ferte pacem, mores bonos, victoriam in hostibus.

Scythas, Turcam hinc pellite, morbos, pestes abducite, ipse JESUS sit dux vitæ, locate in cœlestibus.

Ferent nobis hi solamen, si fuerit his precamen, semper erit sublevamen omnis homo dicat Amen.

### *O R A T I O.*


**O**Mnipotens æterne DEUS, pro cuius gloria Sancti tui innocentes Martyres, Joannes, Benedictus, Matthæus, Isaac, Christinus, Athanasius, Laurentius, & Barnabas Confessor, Eremitæ

Eremitæ Camaldulenses Casimirani,  
in Ecclesia tua Sancta genibus in terra  
prostrati, noctu divinis orationibus va-  
cantes, ab impijs prædonibus appre-  
hensi, manibus, pedibusque ad stipites  
alligatis, crudeliter igne & diversis tor-  
mentis diu lacerati, & interfecti, Marty-  
rij palmam æternæ gloriæ adepti sunt:  
præsta quæsumus, ut quorum memo-  
riam suâ devotione recolimus, eorum  
actiones imitemur. Per Christum Do-  
minum nostrum, Amen.

*Oratio alia de Ss. Confessoribus  
Polonis*

**D**ELIS, qui nos concedis annua San-  
ctorum Confessorum tuorum Ere-  
mitarum Camaldulensium, Andreæ,  
Zuerardi, Barnabæ, Justij, Bogumili,  
& Benedicti Zvirardi Martyris socio-  
rum natalitia colere; da nobis in æter-  
na beatitudine, de eorum societate  
in cælis, feliciter unâ cum illis gaudere.  
Per Christum Dominum nostrum,

A M E N.







IMPRIMATUR.

M. Petrus Pracze-  
wic, Sacrae Theolo-  
giae Doctor & Profes-  
sor, Canonicus Ca-  
thedralis Cracovien-  
sis, ac in eadem Diœ-  
cesi Librorum Cen-  
sor. *mpp.*

